

臨安府志卷之三

建置 附大事考

臨古响町國自漢置郡縣或隸牂牁或屬興古土宇版章已非化外域也晉以後叛服靡常元始以兵服之經畫猶未備明洪武時宣寧侯略定臨安藩以州縣樹以衛屯大小相維有臂指之義我

朝廷設鎮駐兵裁衛所附土司壤小則歸併地大則分析其所建置監前代而示來茲規模宏

臨安府志 卷之三 建置

一

遠矣第其間禮樂刑政諸大事隨時損益有前後不相襲者以資考鏡不妨備為載之作  
建置志

臨安府

禹貢梁州南喬三代時為响町國漢武帝開南夷置响町縣屬牂牁郡賁古縣屬益州郡後漢仍之三國漢屬興古郡晉屬興古梁水二郡唐為牂牁地屬黔州都督府武德四年更名牂州尋復故七年置西寧州西宗州貞

觀八年改西寧州為黎州十一年改西宗州  
為宗州皆隸戎州都督府天寶末沒於蠻南  
詔置通海郡都督府後又置節度使後晉時  
設思平改通海郡為秀山郡尋復故宋時阿  
契部蠻居之元憲宗六年內附置阿契部萬  
戶府又置阿窩萬戶府至元八年改阿契部  
置南路總管府十三年改臨安路屬臨安元  
廣等處宣慰司領州三縣四千戶一明洪武  
十五年改路為府改阿窩萬戶府為阿迷州

臨安府志

卷之三

建置

二

弘治十五年改馬龍他郎甸長官司置直隸  
新化州萬曆十九年討平平甸鄉夷賊置新  
平縣二十年改新化州屬府領州五縣五長  
官司九

本朝因之康熙二年併納更土巡檢司錢糧入府  
徵收五年裁新化州歸新平縣以教化王弄  
安南地設開化府溪處司改革世襲領州四  
縣五土司三土舍七

臨安府建置表

唐虞	夏商	周	戰國	秦	漢	蜀漢	臨安府志	晉	宋	齊	梁	陳	隋	唐	
總部	南交昧谷之交	梁州域	合梁於雍	屬楚	通道置吏	益州	卷之三	寧州	寧州鎮	南寧州	沒於蠻	南寧州	黔州都督府	戎州都督府	蒙氏據
郡	昞町國	益州郡	牂牁郡	興古郡	興古郡	梁水郡	建置	興古郡	梁水郡	通海都督府	通海節度	通海節度	通海節度	通海節度	
州縣	賁古縣	昞町縣	三	昞町縣	梁水縣	牂州	宗州河西縣	黎州嶧峨部	休臘部舊處甸部	王弄部	王弄部	王弄部	王弄部	王弄部	

五代

宋

明

臨安府志

卷之三

建置

鄭買嗣據  
趙善政據  
楊子貞據  
段恩平據  
段氏據  
通海節度

雲南行中書省

雲南布政司

秀山郡 通海郡

臨安路

臨元廣宣慰司

臨安府

件溪落恐部  
鉄容甸部  
官桂思陀部  
屈中部 寧部

建水州 石屏州

寧州 通海縣

嶲峨縣 河西縣

蒙自縣

建水州 石屏州

河迷州 寧州

新化州 通海縣

河西縣 嶲峨縣

四

蒙自縣 新平縣

納樓茶司長官司

教化長官司

玉弄長官司

安南長官司

廣容甸長官司

思陀甸長官司

溪處甸長官司

左能寨長官司

落恐甸長官司

細更山巡檢司

建水州 石屏州

河迷州 寧州

通海縣 河西縣

嶲峨縣 蒙自縣

新平縣

納樓茶甸長官司

本朝

雲南布政司

臨安府

建水州

漢

屬益州郡貢古縣又屬牂牁郡

唐

烏麼蠻地屬黔州都督府天寶末南詔竊據  
隸通海郡古稱步頭亦云巴甸元和間蒙氏

臨安府志

卷之三

建置

五

始城之每夏秋溪水漲溢望之如海夷謂惠  
廟漢語曰建水歷鄭趙楊段皆仍舊名

宋

些蠻酋所據統於段氏

元

置建水千戶至元中改建水州屬臨安路

明

建水州屬府附郭轄曲江巡檢司

本朝因之順治十五年沐氏勳莊猛丁猛喇猛梭

等寨投誠歸庄錢糧附州徵收康熙六年裁

臨安衛分境屯賊併州雍正八年老搨猛弄

寨長白氏投誠歸順以所屬錢糧附州徵收

虧客司長官司  
納更山巡檢司  
溪處鄉土舍  
瓦渣鄉土舍  
思陀鄉土舍  
落恐鄉土舍  
左能鄉土舍  
阿邦寨土舍  
漫車寨土舍

石屏州

漢 舊竹蠻地

唐 烏麼蠻地

宋 阿楚蠻據之蠻掘地得石坪因號石坪邑

元 改石坪州屬臨安路

明 石屏州屬府

本朝因之康熙三十年裁臨安衛石寶二屯屯賦

併州

阿迷州

臨安府志 卷之三 建置

漢 蠻名阿窰訛為阿迷

唐 稱屈中部

宋

元 置阿窰萬戶至元間隸南路總管府大德間

隸臨元廣宣慰司

明 改阿迷州屬府

本朝因之雍正九年撥十四寨歸廣西府邱北州

同管轄

寧州

漢 屬興古郡

晉 屬梁水郡梁水縣

唐 初置西寧州正觀中改黎州天寶末沒於步

雄部蠻號浪曠夷語謂旱龍也後屬蠻蠻酋

阿幾以浪曠割與寧蠻豆去改寧部

元 置寧部萬戶府後改寧海府至元中改寧州

隸臨安路領通海嶧峨西沙三縣後省西沙

八州

明 寧州並改通嶧二縣屬府

臨安府志 卷之三 建置

七

本朝因之康熙二十六年裁左前廣後四衛分境

屯賦併州

通海縣

漢 屬牂牁郡昫町縣地

唐 蒙氏立通海郡

宋 段氏改秀山郡復立通海郡

元 初置通海千戶隸善闡萬戶府至元中改通

海縣隸寧海府府廢改設臨安路為附郭後

隸寧州

明 徙府治於建水以通海縣屬府

本朝因之康熙五年裁通海禦屯賦併縣

河西縣

唐 初為西宗州天寶後沒於蠻為步雄部後阿

贊蠻奪居之名其地曰休臘

元 置阿贊萬戶休臘隸之至元間改為河西州

屬臨安路後改河西縣

明 河西縣屬府

本朝因之

臨安府志 卷之三 建置

嶧峨縣

晉 屬南寧州

唐 為嶧猓蠻所居名嶧峨部後阿贊蠻逐嶧猓

据其地

元 立五千戶所至元中改嶧峨州領邛州平甸

二縣後併二縣為縣隸寧州尋屬臨安路

明 嶧峨縣屬府

本朝因之

蒙自縣



漢 屬牂牁郡

唐 蒙氏隸通海郡都督府有山名目則訛為蒙  
自

宋 為阿契蠻所有

元 初置蒙自千戶所隸阿契萬戶後改為蒙自  
縣

明 蒙自縣屬府

本朝因之康熙二十六年裁新安所屯賦併縣  
新平縣

臨安府志 卷之三 建置

九

漢 嶠獬蠻所居

唐 阿契蠻所居

元 立千戶所至元中設平甸縣屬嶠峨州

明 改為平甸鄉隸嶠峨縣後為丁苴白改夷賊  
所據萬曆十九年討平之改新平縣割元江  
石屏河西新化地隸之屬府

本朝因之康熙五年裁新化州入縣

納樓茶甸長官司

唐 蒙氏為茶甸

元 初置千戶隸阿寧萬戶至元中改隸善闡宣  
慰司後分為二千戶隸雲南行省尋改隸臨  
安宣慰司又改納樓茶甸

明 授長官司隸本府

本朝因之

衛容甸長官司

唐 舊鐵容甸部

元 隸元江路

明 授長官司隸本府

臨安府志 卷之三 建置

本朝因之

納更山巡檢

明 授上巡檢世襲隸本府

本朝因之康熙二年錢糧歸府徵收

溪處鄉

唐 屬官桂思阮部

明 授副長官司隸本府

本朝因之後叛職除改玉舍

瓦渣鄉

唐 屬官桂思陀部

明 授副長官司隸本府

本朝因之後叛職除改土舍

思陀鄉

唐 舊為官桂思陀部管落恐溪處二部後分為

二

元 置和泥路隸雲南行省後屬元江路

明 授副長官司隸本府

本朝因之後改土舍

臨安府志 卷之三 建置

落恐鄉

唐 舊為伴溪落恐部屬思陀甸後改為酋長

元 置軍民萬戶隸雲南行省後屬元江路

明 授副長官司隸本府

本朝因之後改土舍

左能鄉

唐 舊為思陀甸寨後改左能寨

明 授為土官隸本府

本朝因之後改土舍

阿邦寨

明 授土守備隸本府

本朝因之後改土舍

慢車寨

本朝授土舍屬元江府後隸本府

大事考

按臨安始稱响町國然自後絕不見諸史至唐蒙氏始置通海郡段思平改通海郡為秀山郡及元中統十二年乃設臨安路即今通海後改府始遷今治故考臨安者三代以前不必錄也

臨安府志 卷之三 大事考

十二

楚頃襄王使將軍莊躋略巴蜀出頭蘭至滇池

會秦奪楚黔中道塞遂留王滇立响町國

漢

武帝建中元年遣唐蒙司馬相如通西南夷

元鼎元年遣中郎將郭昌衛廣將兵擊且蘭誅

之遂平南夷為牂牁郡改响町為縣

昭帝始元四年姑繒糾牂榆人反五年遣軍正

王平大鴻臚田廣明擊之時响町侯毋波從

征有功明年立為响町王

武帝河平二年昺町王禹夜郎王興漏臥侯俞  
舉兵相攻帝道大中大夫張匡持節和解不  
從其後牂牁太守陳立斬興昺町王恐獻粟  
勞士乃罷兵王莽篡漢降昺町王為侯

東漢

光武建武十四年牂牁龍傳尹董四大姓自番  
禺江出奉貢於朝

蜀漢

後主建興三年丞相諸葛亮平南中改益州郡

臨安府志

卷之三

大事考

十三

為建寧郡分建寧牂牁置興古郡以昺町隸  
興古

晉

武帝泰始七年分益州之建寧興古雲南永昌  
四郡置寧州

唐

高祖武德七年以韋仁壽為南寧州都督寄治  
越雋歲一按行慰勞蠻夷望風歸附仁壽承  
制立七州十五縣以其豪帥為牧宰建寧酋

長張樂進求遣使隨仁壽入朝

天寶十年蒙氏僭號大蒙國置通海郡都督府

後晉

高祖天福元年通海節度使段思平討楊干貞

初南詔清平官鄭買嗣滅蒙氏自立號大長和國傳至孫隆賈為東川節度使楊干貞所殺去趙善政尋廢之 二年段思平自立僭自立號大義寧國

號大理國居羊苴咩城改通海郡為秀山

郡

宋

臨安府志

卷之三

大事考

十四

太祖乾德三年王全斌平蜀欲以兵威取滇進

滇地圖太祖鑒唐之禍以玉斧畫大渡河曰

此外非吾有也由是雲南不通中國為段氏

竊據

理宗淳祐十二年蒙古憲宗遣太弟忽必烈征

雲南由大渡河攻大理克之留大將兀良合

台經略雲南兀良合台東狗烏爨摩些等國

降之置阿爨萬戶以劉時中為宣撫使與段

氏同安輯焉

此臨安內附之始

元

世祖至元六年始立常平倉於諸路 十年置  
雲南行中書省於善闡 十三年雲南行省  
瞻思丁改定雲南諸路名號改善闡為中慶  
路改南路為臨安路置臨安宣慰司 二十  
一年置元帥府於河西之曲陀關 二十二  
年置臨安廣西道宣撫司 二十七年立銀  
場官秩從七品 二十九年設雲南諸路學  
校以蜀士充教官

臨安府志

卷之三 大事考

十五

秦定帝秦定二年勅有司治義倉以救荒 倉  
事楊祚請增建臨安學校從之  
文宗至順三年雲南饑蠲本省田租三年

明

洪武十四年命穎川侯傅友德西平侯沐英列  
侯金朝興等征雲南 十五年傅友德分兵  
徇臨安下之以宣寧侯金朝興鎮守設通海  
禦隸臨安衛領二所 十六年命傅友德等  
班師沐英留鎮雲南置雲南布政司都司改

諸路為府置知府知州知縣等官 八月石屏土知州馬黑奴構煽諸部兵叛指揮僉事萬德寧州衛指揮王執等夜襲擊於異龍湖大破之賊隨次第剽平 十七年移中土大姓以實雲南 十九年沐英奏請屯田從之 二十年金朝興檄指揮萬中即萬德建臨安

臨安府志 卷之三 大事考

磚城 二十二年始命雲南選貢送應天府鄉試 二十三年設臨安府稅課司 二十七年設臨安衛指揮使等官 三十年置雲

南按察司

永樂三年八百土酋入寇西平侯沐晟出次蒙

自蠻遁去督兵窮追斬其酋以徇 五年增

置按察司僉事盤量屯糧 九年置雲南監

察御史詔雲南布政司開科取士

洪熙元年定雲南鄉試解額十名會試分南北

中卷雲南為中卷

宣德七年增解額七名

正統五年置巡撫雲南都御史 定解額二十



名 十九年置臨元道

景泰元年罷採辦各處銀課 七年定解額

十名

天順二年令開雲南銀礦以鎮守太監提督  
六年命廷臣舉有學行者提督學校以邵玉  
任雲南學政

成化三年增解額十名 十年復增五名 十  
二年巡撫王恕請置臨元兵備道以按察司  
副使為之 十三年增按察司副使管屯田

臨安府志 卷之三 大事考

十七

弘治十六年叅政陳宣副使包好問知府王資  
良指揮龐松開異龍湖水灌臨安田

正德五年增解額五名 十五年封錫場不許

妄開 嘉靖十六年定解額四十名 四十  
五年段設臨元叅將駐臨安

隆慶二年裁石屏州寧州二處河泊所

萬曆元年增解額五名 蒙自猺雞阿迷撲喇  
等夷連叛巡撫鄒應龍帥師次第討平之

十九年丁苴白改夷普應春等叛撫鎮吳定

沐昌祚討平之設新平縣改直隸新化州隸  
臨安府 四十三年增解額二名 建水土  
酋刀春琪勾交兵入犯土舍沙源堵截勝之  
斬其偽侯伯三人 四十四年巡撫曹愈參  
巡按英應琦請裁臨安府學訓導設建水州  
學正

天啟二年置分守臨元道督理銀場道石叅政  
各一員府屬各州縣設儒學教職或一員或  
二員不等 三年令雲南暫停課金 四年

臨安府志

卷之三

大事考

十八

新化新平賊首魯魁魯克等伏險行劫巡撫  
閔弘學檄副使胡其慥遊擊劉崇禮摠捕倭  
斬餘黨解散五十二哨於其地戍之

崇正三年阿迷州土酋普名聲反初名聲隨御  
史傅宗龍援黔久留省城巡撫王伉惡之始  
懼後與寧州土酋祿永命互訐聞伉欲討已  
遣人詐為祿家人訴於伉偵得即討之信遂  
反 四年巡撫王伉統滇黔土司吾必奎等  
屯兵臨安遣兵攻阿迷以討名聲不克及名

臨安府志 卷之三 大事考

十九

聲陰結各土司外應以詐計紹官兵出某箐  
 伏發全軍覆沒叅議周士昌叅將朱永吉俱  
 戰死名聲乘勝焚掠至臨安城下叅將温如  
 珍卻之 五年普名聲死初名聲叛其兵頭  
 何天衢不從反正自効屢挫名聲兵名聲懼  
 制其後乃移兵攻之為砲所斃其妻萬氏急  
 攻天衢食盡無援舉家自焚死按張繼孟傳  
府奉委撫名聲蓄意除之倖以温語撫慰乘  
其餉茶置毒易蓋名聲中毒死據阿速舊志  
則云太監楊某來招安至阿速與名聲款洽  
十餘日臨別以小刀分青楠榔暗置毒响名

聲名聲遂發癩症 六年巡按姜思睿議撫  
 九日死未知孰是  
 萬氏普名聲既死萬氏納安南土舍沙定海  
 為夫久乃厭而殺之復納定海弟定洲擁眾  
 據阿迷勢益猖獗至是思睿遣廣西知府張  
 繼孟單騎入賊穴諭以利害萬氏遂降思睿  
 親撫之於臨安築撫蠻臺 十五年增解額  
 七名共五十四名

本朝

世祖章皇帝順治元年甲申

二年乙酉元謀土酋吾必奎反黔國公沐天波  
調土司祿永命沙定洲等同叅將李大贄進  
剿定洲不至大贄等進兵必奎自殺 十二  
月朔土酋沙定洲反先是沐天波調定洲剿  
吾酋定洲逗留候必奎平定洲始至檄止之  
不聽遂進屯省城是日託言辭歸竟襲天波  
劫巡撫吳逃元天波西走楚雄定洲圍之分  
遣其黨李日芽王朔等陷諸州郡又遣頭目  
高阿保誘石屏降石屏堅守賊圍之 四年

臨安府志

卷之三

大事考

二十

丁亥流寇孫可望李定國劉文秀艾能奇等  
詐稱援黔國入滇定洲聞之懼改楚雄圍掠  
省城至通海焚官舍民房殺擄男婦遁歸阿  
迷遣其黨湯嘉賓李阿楚等據臨安迫脇官  
民嬰城固守五月李定國兵至臨安以火窰  
攻城東北隅城陷賊黨奔竄波及紳士軍民  
屠戮殆盡隨焚掠阿迷定洲遁入俚革畜  
石屏圍解先是沙賊憤石屏不下益兵攻之  
城中糧盡幾不守會定國破臨安賊乃遁

定大中小學生員額數 五年戊子八月

李定國破緬革屯擒沙定洲萬氏湯嘉賓等  
械赴雲南十月磔之於市誅其黨數百人

九年刊立

卧碑置明倫堂之左永為遵守 十三年丙申李

定國擁明桂王子由榔偽稱永曆年號入滇

十五年戊戌定童生額數 命信郡王鐸

尼固山趙布太平西王吳三桂三路取滇李

定國之黨賀九儀等竄走元江焚臨城西南

臨安府志

卷之三 大事考

二十一

二樓掠人民數千而去 十二月大師會於

曲靖臨安定國扶永曆入緬 沐氏勳莊猛

丁猛喇等寨竝交趾屬猛梭猛刺等寨投誠

歸順錢糧附入建水州 十六年己亥九月

元江土酋郡嵩偽總兵許名臣暗通李定國

叛平西王吳三桂討平之并獲沐天波子忠

顯 設雲貴總督 十七年庚子

命平西王吳三桂為總管鎮雲南三桂疏乞沐氏

勳莊 設臨元澂江鎮以緹略左標提督張

勇為總兵官 十八年辛丑三月

聖祖仁皇帝即位

詔八月補行雲南庚子科鄉試照舊額五十四名  
編遺漏錢糧以納樓司五畝地歸建水州  
編衛所職田照軍糧起科并編衛所軍舍丁  
姜 以土官祿昌賢養兵莊糧隸寧州 以  
枯木八寨牛羊新縣等四處隸蒙自縣 土  
司應龍子弟令各該學教訓俟父兄謝事之  
日回籍襲職其餘子弟送提學考取入學

臨安府志

卷之三

大事考

二十二

康熙元年壬寅正月 緬酋獻永曆出定西將軍  
爰星阿公等議送永曆至京平西王吳三桂  
奏以道遠不便縊永曆及其子於昆明家屬  
送京 三月移援剿右鎮總兵王輔臣駐通  
海左右兩營分駐河西後移駐曲靖府 三  
年癸卯雲南鄉試照舊額減半中二十七名  
外加五名共三十二名 四年乙巳三月寧  
州土酋祿昌賢糾合嶠峨祿益王楊祖王弄  
王朝蒙自李日森李世藩李世屏八寨李成

林納樓普率教化張長善枯木龍元慶倘甸  
葉向陽葉正昌石屏龍韜龍飛揚及路南新  
興陵涼維摩各土司等謀叛衆至數萬各郡  
震動昌賢日芽等攻臨安沿途焚殺總兵閔  
鎮率兵禦之頗有殺傷村民不及避者亦罹  
鋒刃賊遂分臨蒙自嶧峨寧州圍通海石屏  
總督卞三元提督張國柱發兵討之平西王  
吳三桂自水西聞警遣總兵趙得勝援石屏  
賊遁 七月吳三桂分剿蒙自等處擒祿昌

臨安府志

卷之三

大事考

二十三

賢王朔張長壽李成林李世藩李日森龍元  
慶悉誅之

詔撫其餘黨李世屏普率勢窮來降悉寬其死迤  
東土酋悉平 五年丙午始開雲南武科鄉  
試額中二十七名數與文鄉試同 二月

詔免迤東被賊州縣新荒錢糧 三月裁新化州  
歸新平縣 五月裁府判州同州判縣丞等  
冗員及操捕都司守禦歸州縣管理 六年  
丁未閏四月圈撥近省州縣衛所田給平西

王吳三桂兵丁口糧裁臨安衛守備經歷  
七年戊申覆准瓦渣土司四十七寨額徵苗  
糧歸臨安府上納改臨安府屬教化王弄安  
南三長官司地置開化府 四月改義勇右  
營為新嶺營設叅將 八年己酉文武鄉試  
加三名中三十名 十一年壬子文武鄉試  
額中二十七名 十二年癸丑十一月吳三  
桂反數省騷動臨安罹湯火者八年 二十  
年辛酉正月大師克盤江 二月大將軍賴塔

臨安府志

卷之三

大事考

二四

師至曲靖十月各路官軍畢集遂克省城雲  
南平

詔免雲南二十年分夏稅 二十一年壬戌改新

舊營叅將設守備裁臨元分巡道置糧儲驛  
鹽道 二十二年癸亥設鼓鑄於雲南蒙自  
等處 八月補行雲南辛酉科文武鄉試解  
額二十七名 建水石屏兩學復設訓導各  
一員 二十三年甲子增雲南文武鄉試解  
額三名中三十名 二十四年乙丑設臨安



鑄局定各州縣金廠銀廠銅廠鉄廠課額  
三月總督蔡毓榮議以吳逆原請沐氏勲莊  
田地變價歸併附近州縣照民糧起科 頒  
御書萬世師表匾額於學宮 二十六年丁卯二  
月裁臨安衛新安所以屯賦歸建水州蒙自  
縣分境徵收 十二月總督范承勳遣左營  
遊擊莊一虎臨安府黃明招撫魯魁山野賊  
楊宗周等請授楊宗周土縣丞普為善方從  
化李尚義土巡檢各世襲許之 二十七年

臨安府志 卷之三 大事考

二十五

罷鑄局 十月巡撫王繼文奏請衛所荒田  
照民糧上中下起科聽民間墾 十一月臨  
安府新平縣土巡檢李尚義誘集土夷數千  
索保焚掠大肆猖獗總督范承勳檄臨元鎮  
總兵王弘仁援剿遊擊劉師周合兵討之  
三十年辛未正月李尚義被擒自殺餘黨平  
以臨安衛石寶二屯改歸石屏州通海屯  
田附近建水寧州河西者仍屬通海 三十  
一年壬申置新平縣教職 三十三年甲戌

增建水州儒學訓導

詔免雲南地丁錢糧 三十四年乙亥 頒

御製先師孔子及顏曾思孟贊於學宮立石 巡

撫石文晟奏准雲南軍糧照河陽縣民田上

則起科以甦民困 三十五年丙子巡撫石

文晟奏准增雲南文武鄉試解額十五名共

四十二名永為定例 三十七年戊寅復設

新嶺營叅將一員增兵共一千名初野賊普

阿六窩泥老三等索保頭錢沿寨滋擾新平

臨安府志 卷之三 大事考

守備張廷柱帶兵往剿至慢干瀾為賊眾劫

營被害總督巴錫檄總兵王洪仁剿之復請

設叅將 三十八年己卯文鄉試增額三名

中四十五名武鄉試仍中四十二名自後武額俱不加

頒

御製訓飭士子文於學宮立石 四十三年甲申

覃恩養老七十者免丁徭八十九十者賜絹帛肉

米百歲者建坊 四十四年乙酉加五經卷

額三名廣解額三名 總督貝和諸奏徵蒙

自縣箇舊廠錫課 四十六年定箇舊銀廠  
課額 四十七年戊子巡撫郭瓌奏准增雲  
南鄉試解額五名永為定例 四十八年己  
丑

恩詔賜老人絹帛米肉悉如四十二年之數 四  
十九年庚寅

詔免雲南通省五十年分地丁錢糧併歷年逋欠  
五十年辛卯

詔增雲南鄉試解額九名永為定例本科又廣額  
臨安府志 卷之三 大事考 二十七

三名五經卷一名 議准兵丁中有能通文  
理者一體入武鄉試 五十二年癸巳開

萬壽恩科二月鄉試八月會試解額六十名  
詔賜老人絹綿米肉悉如四十八年之數 命王

府長史瓦哈立來須賞兵

詔各省編審人丁以今年額數為定以後滋生戶  
口永不加賦 五十三年甲午准文生入武  
鄉試武生入文鄉試

詔天下學宮陞朱子本主於十哲之次 五十五

年丙申進宋名臣范仲淹於先儒之次 五  
十六年丁酉鄉試不用五經卷解額五十六  
名

今上御極

恩詔賜老人絹綿米肉悉如五十三年之數

雍正元年癸卯

覃恩開科四月鄉試九月會試增雲南解額十名  
共六十六名 開寶雲局於臨安設爐六座  
以錢搭放臨元鎮兵餉 崇封

臨安府志 卷之三 大事考

二十八

至聖先師五代王爵改稱

崇聖祠

二年甲辰補行癸卯正科二月鄉試八  
月會試解額五十六名 令各府州縣學拔

貢每六年舉行一次 頒

聖諭廣訓令天下有司每月朔望宣講 五月改

常平倉設立社倉 六月增各州縣歲科試

文章額數有差

賜督撫司道府州縣等官

上諭各一道

增祀明儒羅欽順

清儒陸隴其

於先儒之次

詔給老婦絹綿米布茲建坊銀兩 巡撫楊名時  
奏准攤民丁隨糧上納其軍田有無主影射  
者令自首報墾攤抵最重軍丁 設阿迷州  
傍甸鄉巡檢一員 三年乙巳十一月

命天下地名姓名有同

至聖先師諱者即改為邱字讀作期音

十二月

頒

御書生民未有匾額於學宮

四年丙午舉行耕

臨安府志 卷之三 大事考

二十九

藉禮各府州縣設先農壇舉老農一人給以  
八品頂帶三年一舉永為例 鄉試仍加五  
經額三名中五十九名

命各府州縣舉優行之士

七年己酉鄉試以糧

鹽二道為提調監試官聘隣省之進士舉人  
為同考官 七年賞臨元鎮生息銀五千兩

八年庚戌奉

旨免雲南地丁銀十分之上

欽頒大義覺迷錄刊行各府州縣宣講

設分巡迤東道一員駐尋甸  
掌國入貢道由臨安

九年辛亥南



臨安府志

卷之三  
大事考

三